

جریدہ علیہ

مہینہ اسلامیکہ جریدہ رسمہ میسر

صفر ۱۳۳۸

عدد ۵۰

آیدہ برنشر اولنور

بسنجی سنہ

فتاویٰ شریفہ

اولیاء

ہند بالغہ نفسی ولی اقربى لا بوین عمى اوغلى زیدك اذنسز کفوی اولیان عمروہ تزویج
ایدوب لکن عمرودن ولد کتورمسه زید راضی اولیوب ہندی عمرودن حاکمہ تفریق
ایتدیرمکہ قادر اولورمی الجواب اولور .

* *

نکاح

زید زوجہ سی ہندک رضاعاً قز قزنداشی زینبی تزوج ایدوب ہند ایله جمع ایتک جائز
اولورمی الجواب اولماز .

* *

عدت

زید ذات حیض اولان زوجہ مدخول بہاسی ہندی باینآ تطلیق ایتدکدنصکرہ آلتمش
کون تمامندہ ہند نفسی عمروہ تزویج مراد ایتدکدہ اوچ حیض کوروب عدتم منقضیہ
اولدی دیسہ عمروہندہ اینایحجق ہندی تزوج ایتک جائز اولورمی الجواب اولور .

* *

طلاق

مطابق مجنون اولیوب احیاناً جنون عارض اولان زید حال جنتنده زوجہ سی ہندی تطلیق ایلسہ طلاق واقع اولورمی الجواب اولماز .

* *

نفقہ عدت

زید زوجہ سی ہندی مهر مؤجلاندن و نفقہ عدتندن فراغت ایتک اوزره طلاق باین ایله تطلیق ایدوب هند دخی اولوجه اوزره طلاق قبول ایتدکنصکرہ حالا هند مهری ایله نفقہ عدتن زیددن طلب واخذہ قادر اولورمی الجواب اولماز .

* *

طلاق

زید زوجہ سی ہندہ سنی استم دیسہ مجرد بویله دیمکله هند بوش اولورمی الجواب اولماز .

* *

نکاح

زید رضاغاً خالہ سی ہندک نسباً قزی زینی تزوج ایتک جائز اولورمی الجواب اولور .

هند نفسی زیدہ رجالدن عمرو ایله نسواندن زینب وخدیجہ نک حضورلرندہ درت بیک آچہ مہرلہ تزویج زید دخی تزوج وقبول ایلسہ عقد مزبور صحیح اولورمی الجواب اولور .

* *

دعوی

زیدک عمرو ایله پتلرندہ بر مدت اخذ واعطا جاری اولغله زید عمروک حسابی کوروب عمروی خصوص مزبورہ متعلق دعوان ابرا ایتدکن صکرہ حسابدہ محل شبہ اولغله زید خصوص مزبوری عمرودن دعواہ قادر اولورمی الجواب اولور .

* *

مہر

زید بر بلدہ اہالیسندن ہندی اول بلدہدہ تزوج ایتدکنصکرہ مہر معجلانی ایفا

شمش اولغله هندی مسافه سفردن اقل اولان کندی بلده سنه کوتورمك استدكده
هند بغير وجه امتناعه قادر اولورمى الجواب اولماز .

بيع
هند زيد ايله على الاشتراك مالكة اولدينى منزلدن حصه شايه سنى ثمن معلومه عمروه
بيع ايلسه بيع مزبور صحيح اولوزمى الجواب اولور .

تعليق طلاق
زيد فرار ايدوب زوجهم هندی انفاقدن امتناع ايدرسهم هند برطلاق باين ايله مطلقه
اولسون ديدكدنصكره فرار ايدوب هندی انفاقدن امتناع ايلسه هند مبانه اولورمى
الجواب اولور .

زيد زوجة مدخول بهاسى هنده خطاباً سنى آلامق شرطيله براقدم ديسه واقع اولان
طلاق رجعى اوليوب باين اولورمى الجواب اولور .
بو صورتده طلاق اخير اولمايه جق زيد هندی رضاسيله بلاجله تزوجه قادر اولورمى
الجواب اولور .

نفى ملك
زيد صحتنده اوزرنده اولان اثوابدن غيرى يدمده اولان جميع اموال وعقارات صغير
اوغلارم عمروو بكر كدر بنم علاقهم يوقدر ديو حضور حاكمده اقرار ايتدكدنصكره زيد
فوت اولوب عمرو و بكرى وسائر ورثه سنى ترك ايتدكده سائر ورثه اقرار مزبورى
طوتيوب حين اقرارده زيدك ينده اولان اموال وعقاراتى ميراثه ايدخاله قادر اولورلرمى
الجواب اولمازلر .

طلاق
زيد زوجة سى هند ايجون هند ايله بنمزده نكاح يوقدر ديوب طلاق نيت ايلسه هند زيددن
مبانه اولورمى الجواب اولور .

مرور زمان

اون بش سنه بلا عذر ترك اولنان ميراث دعواسی بلا امر مسموعه اولورمی
الجواب اولماز .

* *

نكاح

زيد مزنيه سی هندك قزی زینبی تزوج جائز اولورمی الجواب اولماز .

* *

عمرات

زيد اوغلی عمروك زوجہ سی ہندی شہوت ایله مس ایلسہ ہند عمروہ حرام اولورمی
الجواب اولور .

* *

ارث

ہند معتقہ فوت اولوب آنحق کندوی آزاد ایدن زیدك اوغلی عمروی ترك ایتدكہ
عمرو تركہ ہندی احرازہ قادر اولورمی الجواب اولور .

* *

وقف

زيدك متولیسى اولدیغی وقف عتار خراب اولدقدہ تعمیرہ مساعدہ وار ایکن زید اول
عتاری بغير وجه شرعی عمروہ بیع وتسليم ایتدكہ نصکرہ زید معزول ویرینه بکر متولی
اولسہ بکر عتاری عمرودن آلوب وقف ایچون ضبطہ قادر اولورمی الجواب اولور .

* *

ہبہ

زيد محنتندہ زوجہ سی ہندہ آل طاقن دیور بلازك ویروب ہند دخی طاقدہ نصکرہ
زيد فوت اولسہ سائر ورثہ سی اول بلازکی میراثہ ادخالہ قادر اولورمی الجواب اولمازلر .

* *

مفقود

زيد موقع حربدہ اعدا ایله تحاربہ ایتدكہ نصکرہ مفقود اولوب حیات و مماتی معلوم
اولماسہ زیدك مماتی غالب ظن اولہ جق مرتبہ مدت مرورندكہ موتیلہ حکم اولنق صحیح
اولورمی الجواب اولور .

بو صورتده زیدك موتنه حكمتك لوقد نصكره زوجهبی هند بعد انقضاء العدة
تفسی آخره تزویج وورثبسی تركهسی مسئله میراث وجهله تقسیم ایتكه قادر اولورلمی
الجواب اولورلر .

* *

لعان

زید نكاح صحیح ایله تزوج ایتدیكى زوجهبی هند حره و بالغه و مسلممه و عقیقه دن
تولد ایدن ولد ایچون بینلرنده نكاح قائم ایکن ولد مزبور بندن دكلدر دیوب بو وجهله
ولدك نسبى نفی ایتدكه هند ولد مزبور زئان دكلدر سندنر دیوزیدی تكذیب ایدوب
بعده هند زیدك بو مقاله سنك موجبى قاضى مجلسنده طلب ایتدكه مرافعه اولدقلری
قاضى وجه شرعى اوزره لعان ایتدكه زید و هند تلاعن ایدوب قاضى هندی زیددن
تفریق ایلسه هند زیددن باین طلاق بوش اولورمى الجواب اولور .
بوصورتده وجه محرر اوزره بعدالتفریق هندك وطئى زیده حرام اولورمى الجواب
اولور .

بوصورتده بعدالتفریق قاضى ولد مزبورك نسبى زیددن نفی ایتدم هنده الحاق ایتدم دیسه
ولدك نسبى زیددن متفی اولرب هنده ملحق اولمش اولورمى الجواب اولور .
كتبه الفقیر مصطفى صبرى التوقادى
عفا عنه الهادى



توجیهات علمیه

محمد وحید الدین

دار الخلافه العلمیه سلیمانیه مدرسه سنده منحل بولنان علم کلام مدرسلکنه درس عامدن
استانبولی اسماعیل صائب افندی تعیین اولمشدر
بو اراده سنیه نك اجراسنه مشیخت مأموردر .

۲۲ محرم سنه ۱۳۳۸ ۱۸ تشرین اول سنه ۱۳۳۵

شیخ الاسلام
ابراهیم الحیدری

* *